

MILLENNIA INSTITUTE
PRELIM 2/H2MLL 2017
SKEMA JAWAPAN KERTAS 1 BAHAGIAN ii

BAHAGIAN A (5 markah)

- (1) Sebagai
- (2) usaha
- (3) dilancarkan
- (4) berlaku/terjadi
- (5) serius/berkesan/efektif

BAHAGIAN B (30 markah)

6. Apakah fungsi budaya dalam sesebuah masyarakat? (6m)	
IU1	Budaya bangsa atau etnik, khususnya adat resam, melambangkan identiti sesebuah komuniti. (2m)
IS1	Dalam kelompok sesebuah komuniti itu pula, budaya mencerminkan jati diri seseorang individu sebagai sebahagian daripada anggota masyarakat tertentu. (1m)
IU2	Budaya dapat memainkan peranan sebagai medium untuk merapatkan hubungan masyarakat berbilang kaum melalui perkongsian. (2m)
IS2	Perkongsian amalan tradisi dan adat resam, terutamanya bagi kaum yang serumpun, dapat mengurangkan jurang perbezaan, seandainya hal ini dihayati ATAU Persamaan yang wujud dalam perbezaan budaya mampu menyemaikan semangat kekitaan dalam kalangan masyarakat. (1m)
7. Setiap anggota masyarakat perlu mengikis sikap-sikap negatif yang boleh menghalang integrasi kaum. Jelaskan. (6m) *Jawapan = Set 1 & (2 atau 3)	
IU1	Setiap anggota masyarakat perlu mengikis sikap etnosentrik, iaitu kecenderungan untuk menganggap masyarakat dan budaya sendiri lebih unggul daripada yang lain. (2m)
IS1	Sikap individualistik sebegini hanya akan menghalang toleransi antara kaum yang berbeza. (1m)
IU2	Setiap individu juga perlu mengikis sikap berkaitan xenofobia, iaitu rasa fobia, takut atau benci terhadap orang asing, termasuk yang berlainan kaum. (2m)
IS2	Keadaan ini dapat membunuh kepercayaan terhadap bangsa lain dan akan menyulitkan perpaduan kaum. (1m)
IU3	Setiap anggota masyarakat juga perlu membuang sikap prejudis atau berfikir negatif terhadap kaum lain.
IS3	Syak wasangka yang berlandaskan perkauman boleh mewujudkan diskriminasi kaum yang seterusnya mengundang perbalahan dalam kalangan masyarakat.

8. Bagaimanakah seni dapat dimanfaatkan sebagai alat memupuk pemahaman terhadap budaya kaum lain? (6m)	
IU1	Seni dapat dimanfaatkan sebagai alat memupuk pemahaman terhadap budaya kaum lain melalui penubuhan pelbagai kelab dan aktiviti kokurikular yang bercirikan kebudayaan di sekolah-sekolah dan institusi pendidikan. (2m)
IS1	Pertandingan tarian tradisional, seni kraf tangan, permainan alat muzik tradisional dan pameran seni masyarakat tempatan yang dianjurkan dapat memberikan pendedahan kepada para pelajar tentang variasi budaya dan rasa ingin tahu untuk lebih memahaminya. (1m)
IU2	Tayangan filem dan drama pelbagai bahasa dan bangsa yang mengandungi mesej tentang kepentingan menjaga hubungan baik dan menghormati budaya kaum lain, boleh diusahakan secara lebih kerap (oleh pihak media). (2m)
IS2	Masyarakat akan mendapat pendedahan yang lebih banyak mengenai budaya dan cara hidup kaum lain, di samping saling mempelajari tentang budaya. (1m)
9. 'Sikap menghormati kepelbagaian budaya dapat menjamin kestabilan sesebuah negara'. Huraikan pernyataan ini. (6m)	
IU1	Keharmonian kaum dan budaya yang diwujudkan melalui sikap menghormati kepelbagaian yang ada dapat menjadi sumber pendapatan sesebuah negara. (2m)
IS1	Keharmonian negara ini akan menjadikannya terus muncul menarik sebagai negara berbilang budaya dan dapat menarik pelancong asing untuk berkunjung ke negara itu. (1m)
IU2	Sikap menghormati kepelbagaian budaya dapat menjamin keamanan sesebuah negara daripada pengaruh golongan pelampau. (2m)
IS2	Demi mengekalkan keamanan sejagat, generasi muda terutamanya, perlu mengamalkan cara pemikiran yang matang tentang kehidupan di sebuah negara berbilang kaum dan tidak terikut-ikut dengan pengaruh golongan pelampau. (1m)
10 Terangkan maksud perkataan-perkataan berikut menurut konteks petikan karangan yang diberikan. (6m)	
(i)	jati diri – identiti, sifat atau ciri istimewa yang menjadi lambang keperibadian (2m)
(ii)	menggalas – menanggung, memikul (2m)
(iii)	terpesong – menyeleweng, menyimpang dari tujuannya (2m)

